



O'ZBEKISTON RESPUBLIKASI VAZIRLAR MAHKAMASINING QARORI

20 22 yil « 17 » may

№ 263

Toshkent sh.

“Tashkent Pharma Park” инновацион илмий-ишлаб чиқариш фармацевтика кластерида Фармацевтика техник университети фаолиятини ташкил этиш тўғрисида

Ўзбекистон Республикаси Президентининг “2022–2026 йилларда республиканинг фармацевтика тармоғини жадал ривожлантиришга оид қўшимча чора-тадбирлар тўғрисида” 2022 йил 21 январдаги ПФ–55-сон Фармони ва “Tashkent Pharma Park” инновацион илмий-ишлаб чиқариш фармацевтика кластерини ташкил этиш тўғрисида” 2020 йил 28 январдаги ПҚ–4574-сон қарори ижросини таъминлаш, шунингдек, фармацевтика саноати учун халқаро стандартлар ва миллий анъаналар уйғунлигида юқори малакали, замонавий билим ва қўнималарга эга, мустақил фикрлайдиган, ватанпарвар кадрларни тайёрлаш ҳамда фармацевтика соҳасида халқаро ҳамкорликни янада кенгайтириш мақсадида Вазирлар Махкамаси қарор қиласди:

1. Ўзбекистон Республикаси Президентининг “Tashkent Pharma Park” инновацион илмий-ишлаб чиқариш фармацевтика кластерини ташкил этиш тўғрисида” 2020 йил 28 январдаги ПҚ–4574-сон қарорига мувофиқ:

а) Ташкент вилояти Зангиота туманида “Tashkent Pharma Park” инновацион илмий-ишлаб чиқариш **фармацевтика кластери** (кейинги ўринларда – Кластер) ташкил этилганлиги, бунда Кластер ўз ичига ўзининг инфратузилмасига эга бўлган **Фармацевтика техник университетини** (кейинги ўринларда – Университет) ташкил этишни қамраб олиши назарда тутилганлиги;

б) қуидагилар **Университетнинг асосий вазифалари ва фаолият йўналишлари** этиб белгиланганлиги:

дори воситалари, тиббий буюмлар ва тиббий техника ишлаб чиқариш, косметология, тармоқ ва бизнесни бошқариш соҳаларида халқаро таълим стандартларига мувофиқ малакали кадрлар тайёрлаш;

фармацевтика тармоғида кадрлар тайёрлаш тизимини такомиллаштириш ва модернизация қилишга йўналтирилган инновацион ва самарали таълим дастурлари ва ўқитиши шаклларини жорий этиш;

таълим ва фаннинг узлуксизлиги ва узвийлиги, шунингдек, уларнинг жаҳон таълими ва илмий ҳамжамиятга интеграциялашуви ҳисобига мутахассислар ва илмий-педагогик кадрларни қайта тайёрлаш ва уларнинг малакасини оширишни амалга ошириш;

фармацевтика таълими, фан ва ишлаб чиқаришнинг яқин интеграцияси учун шарт-шароитлар яратиш;

фармация, биотехнология, биофармация, фармацевтика тармоғи учун дори воситалари, тиббий буюмлар ва тиббий техникалар ишлаб чиқариш ҳамда уларни қўллаш соҳасида фундаментал ва амалий тадқиқотлар ўтказиш;

хорижий мамлакатларнинг етакчи таълим муассасалари, илмий-тадқиқот марказлари ва ишбилармон доиралари билан узоқ муддатли алоқаларни ривожлантириш ва мустаҳкамлаш;

в) Ўзбекистон Республикаси Соғлиқни сақлаш вазирлиги хузуридаги Фармацевтика тармоғини ривожлантириш агентлиги (кейинги ўринларда – Агентлик) ҳамда Буюк Британиянинг Де Монтфорт (De Montfort University) ва Сандерленд (University of Sunderland) университетлари (кейинги ўринларда – ҳамкор университетлар) ўртасида 2019 йил 5 ноябрда фармацевтика тармоғини ривожлантириш, юқори малакали кадрларни тайёрлаш ва таълим даражасини ҳалқаро стандартларга мос равишида ошириш бўйича **ҳамкорлик меморандуми тузилганлиги** маълумот учун қабул қилинсин.

2. Вазирлар Маҳкамасининг “Tashkent Pharma Park” инновацион илмий-ишлаб чиқариш фармацевтика кластерининг илмий-ўқув қисмларини яратиш” (I-босқич) лойиҳасини амалга ошириш чора-тадбирлари тўғрисида” 2022 йил 4 апрелдаги 152-сон қарори билан Ўзбекистон Республикаси Хукумати ва EDCF жамғармаси ўртасида 2021 йил 17 ноябрь куни лойиҳа юзасидан имзоланган қарз битими доирасида:

умумий қиймати 98 600,0 минг АҚШ доллари эквивалентига teng бўлган “Tashkent Pharma Park” инновацион илмий-ишлаб чиқариш фармацевтика кластерининг илмий-ўқув қисмларини яратиш” (I-босқич) лойиҳаси техник-иктисодий ҳисоб-китобининг асосий техник-иктисодий кўрсаткичлари (1-илова);

“Tashkent Pharma Park” инновацион илмий-ишлаб чиқариш фармацевтика кластерининг илмий-ўқув қисмларини яратиш” (I-босқич) лойиҳаси бўйича Корея Эксимбанкининг Иқтисодий ривожлантириш ва ҳамкорлик жамғармаси бўйича асосий қарз, унга ҳисобланган фоиз ва воситачилик ҳақини тўлашнинг прогноз жадвали (2-илова) тасдиқланганлиги маълумот учун қабул қилинсин.

3. Белгилансинки:

Университет Агентлик муассислигига ташкил этилган давлат олий таълим муассасаси ҳисобланади ҳамда унинг фаолияти Агентлик томонидан мувофиқлаштирилади;

Университетда таълим жараёни 2022/2023 ўқув йилидан бошланади ҳамда бакалавриат таълим йўналишлари ва магистратура мутахассисликларига қабул қилиш шартлари, таълим олиш шакли ва таълим тили ҳамкор университетлар билан келишган ҳолда аниқланади;

Университетга ўқишига қабул қилиш ҳар йили белгиланадиган Ўзбекистон Республикасининг олий таълим муассасаларига ўқишига қабул қилишнинг давлат буюртмаси параметрлари доирасида ва қўшимча қабул параметрларидан келиб чиқсан ҳолда амалга оширилади;

Университетда таълим бериш Агентлик гранти ва тўлов-контракт асосида ҳамкор университетларнинг ўкув дастурларини давлат таълим стандартлари талабларига мувофиқлаштирган ҳолда амалга оширилади;

Агентлик гранти микдори ҳар йили Агентлик томонидан белгиланади ҳамда Фармацевтика тармоғини қўллаб-қувватлаш ва ривожлантириш жамғармаси маблағлари ҳисобидан молиялаштирилади;

янги таълим йўналишлари ва мутахассисликларни очиш, амалдаги таълим йўналишлари ҳамда мутахассисликларни тугатиш, шунингдек, тўлов-контракт қиймати ва уни тўлаш муддатларини белгилаш Университет томонидан Агентлик ва ҳамкор университетлар билан келишилган ҳолда амалга оширилади;

Университет фаолияти, ўкув-услубий бошқаруви, илмий-педагогик ходимларни тайёрлаш ва қайта тайёрлаш замонавий ахборот технологиялари, фан ва технологияларнинг энг янги ютуқларидан фойдаланган ҳолда, кадрлар тайёрлашнинг умумэътироф этилган халқаро стандартларига мувофиқ амалга оширилади;

Университет бити्रувчиларига Ўзбекистон Республикасида олий маълумот тўғрисидаги хужжат сифатида тан олинадиган ҳамкор университетларнинг белгиланган намуналиги дипломи берилади;

педагог ва бошқа ходимларни ишга қабул қилиш, ишдан озод этиш ва уларнинг ички ротациясига оид тартиби белгилаш Университет томонидан Агентлик билан келишилган ҳолда тасдиқланади;

Университетнинг бизнес-режаси ҳамда даромадлар ва харажатлар параметрлари, прогнози ва сметаси Агентлик томонидан тасдиқланади;

Университетнинг ходимлари меҳнатига ҳақ тўлаш ва уларни моддий рағбатлантириш тартиби ҳамда штатлар жадвали ва штат бирликлари сони олий таълим муассасалари учун белгиланган нормативлардан қатъи назар Агентлик билан келишилган ҳолда Университет томонидан тасдиқланади.

4. Куйидагилар Университет фаолиятини молиялаштириш манбалари этиб белгилансин:

Ўзбекистон Республикаси Фармацевтика тармоғини қўллаб-қувватлаш ва ривожлантириш жамғармаси ажратмалари;

“Дори воситалари, тиббий буюмлар ва тиббий техника экспертизаси ва стандартлаштириш давлат маркази” давлат унитар корхонаси ажратмалари;

талабаларни тўлов-контракт асосида ўқитишдан тушадиган маблағлар;

хўжалик фаолиятидан ва шартнома асосида хизматлар кўрсатишдан олинадиган даромадлар;

ҳомийлик хайриялари ва грантлар;

қонунчилик хужжатлари билан тақиқланмаган бошқа манбалар.

5. Агентликка Университет фаолиятини молиялаштириш манбалари орқали қуидаги харажатларни амалга оширишга рухсат берилсин:

Университетнинг маъмурий-ўкув бинолари, ўкув-илмий лабораториялари, бошқа моддий-техник базаси ва ўкув фаолиятини ташкил этиш;

фармацевтика, табиий фанлар, биотехнология, ахборотлаштириш, маълумотлар таҳлили ва менежмент соҳаларида юқори малакали мутахассислар ва илмий-педагогик ходимларни кейинчалик Университетда ишлашга жалб қилиш шарти билан танлов асосида танлаб олиш, ҳамкор ва бошқа хорижий олий таълим ташкилотларида ўқитиш ва стажировкадан ўтказилишини ташкил этиш;

Университетнинг фаолияти, илмий-педагогик ходимларни тайёрлаш ва қайта тайёрлаш, ходимларга меҳнат ҳақи тўлаш, зарур ўкув-услубий адабиёт ва лаборатория ускуналари билан жиҳозлаш, хўжалик харажатлар, Университет бино ва иншоотларини қуриш ишлари, шу жумладан Университетни кўчириш билан боғлиқ харажатларни молиялаштириш;

таълим жараёнига замонавий педагогик технологияларни қўллай оладиган ва илмий изланиш олиб борадиган маҳаллий ҳамда хорижий профессор-ўқитувчи ва мутахассисларни жалб қилиш билан боғлиқ харажатларни молиялаштириш;

маҳаллий ва хорижий ташкилотлар томонидан белгиланган тартибда юридик ва консалтинг хизматлари учун ҳақ тўлаш;

Университет ўз фаолиятини самарали амалга ошириши учун маъмурий-бошқарув ходимларини моддий-техник база билан таъминлаш.

6. Университет ўз инфратузилмасига эга бўлган бино ва иншоотлари қурилгунига қадар Кластер ҳудудидаги эксплуатацияга тайёр бўлган биноларда (маъмурий ва “А” блокнинг лаборатория биноларида) текин фойдаланиш хукуқи асосида жойлаштирилсин.

7. Бош прокуратурага Курилиш вазирлиги билан биргаликда Университет биносини қуриш доирасида ажратилган маблағлар мақсадли ва самарали ишлатилиши ҳамда қурилиш-пудрат ишлари сифатли бажарилишини назоратга олиш тавсия этилсин.

8. Вазирлар Маҳкамасининг 2019 йил 1 августдаги 641-сон қарори билан тасдиқланган Ўзбекистон Республикаси Соғлиқни сақлаш вазирлиги хузуридаги Фармацевтика тармоғини ривожлантириш агентлигининг Фармацевтика тармоғини қўллаб-куватлаш ва ривожлантириш жамғармаси тўғрисидаги низомга иловага мувоғиқ қўшимча киритилсин.

9. Мазкур қарорнинг бажарилишини назорат қилиш Ўзбекистон Республикаси Бош вазирининг инвестициялар ва ташқи иқтисодий алоқалар масалалари бўйича ўринбосари – инвестициялар ва ташқи савдо вазири С.Ў. Умурзаков ҳамда соғлиқни сақлаш вазири Б.А. Мусаев зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2022 йил 17 майдаги 263сон қарорига
илова

**Вазирлар Маҳкамасининг 2019 йил 1 августдаги 641-сон қарори билан
тасдиқланган Ўзбекистон Республикаси Соғлиқни саклаш вазирлиги
хузуридаги Фармацевтика тармоғини ривожлантириш агентлигининг
Фармацевтика тармоғини қўллаб-қувватлаш ва ривожлантириш
жамғармаси тўғрисидаги низомга киритилаётган
қўшимча**

4-банд қуйидаги мазмундаги “е²” кичик банд билан тўлдирилсин:
“е². Фармацевтика техник университети фаолияти билан боғлик
харажатларни молиялаштириш;”.

